

ամնցւոց՝ բազմիցս կողոպտեն զուղևորս, մերթ և սպանանեն. զիտեմ զի ծոյլ է ձիդ, մի խնայիցես ի խարազանն: Եւ ետ ցիս՝ զոր ինքն ունէր: Գընայինք արդեօք՝ այլ իբր արշաւամար՝ վասն տարամերժելոյ աւուրն. զի գոնէ նախ քան զմուտ արեւոյն՝ յանտառէն արտելանիցէաք: Լուր աստ զկատարած կրիցս. զի դեռ կերեալ էի, և ստամոքսն ի բնէ յամրամարս, տակաւին չէր ծախեալ զկերակուրն. և ի ցնցմանէ ձիաւորութեանն, (զի ձին էր վատաբայլ և ոտոտամամբ ընկայր), շփոթեցան ի նմա կերեալքն, և տողկայի. բազուկքս լքան ի հարկանելոյ զձին պղերդ. ի կարծրութենէ համեալին լերկացան մորթք. յենուլ ոտիւք յ'առ ներբանն՝ ի վերաբառնալ զծանրութիւն մարմնոյ՝ զօրէի ոչ. ի թուլութենէ ծնկացս օդից (յօդից), բնաւք մարմնոյս օգուածք՝ թուէր թէ իցէին լուծեցեալք. և ի խելապատմանէ զխոյս պատճառաւ հարհրման՝ միջնաշաղէին լուսարանքս. թանաէմ, տաժանմամբ մեծաւ հասինք ի զղեակն Սթառօշէլի, ի մտանել արեւուն: Եւ ահա չորջ եղեն արք և կանայք՝ ի տեղեկանալ զանցիցն Լէօպոլոյ. որոց նշմարեցի ձեռամբ հարցանել ցոպասուորն. չունելով զուժ խօսելոյ: Վասն վարձու՝ զոչինչ կամէր առնուլ այրն բարի, ասելով, թէ վասն Աստուծոյ արարեալ իցցեր. և հաղիւ ստիպեցեալ՝ էառ զեօթն զլօթիս, և մի զլօթի ետու վասն ցըռն խոտացելոյ, զի գնիցէր:

Ապա խոտորեցաք ի տուն ուրումն կարուակի՝ Փաւլօ կոչեցելոյ, զոյով տարածամ որոնել զիջեւան պատկանաւոր. յոր՝ ի մտանելն՝ իսկոյն զժահահուտութիւն կաշեաց և այլոց փնդութեանց զգացեալ, ստամոքսն որ արդ վըրդօվեցեալն էր ի յարաշարժութենէ ցնցմանց և տողակացեալ, փսխել սկսաւ զոր ունէր յինքեան. և յայնմանէ եւս առաւել նուաղեցեալ՝ անկայ ի սախտակին որ առ յորմն՝ իբր զկիտամեռ, և համարէին ամենեքեան թէ մեռանի արդ արդ: Յետ սակաւու միոյ ուշաբերեալ՝ ասացի պատրաստել զմահիճ, համարելով թէ ի տան իմում իցէի. և եղին զծեղս ի վերայ տախտակին և զայլս առ սնարս, և ընկողմանեցին ի նմա, ծածկելով վերարկուաւ և եթ. և տանտիկինն կարեկից լեալ՝ մատոյց զլերմ գարէջուր կոգեաւ, զոր արբի. և իբր թմբրեցեալ՝ ննջեցի: Սակաւ ինչ նիրհեալ՝ զարթեայ. և ոչ զիտէի զուր գոլս. զի և ոչ զճրագ թողեալ էին ի վառ. գննէի զմահիճս, և ահա ծեղք. հիանայի ընդ իս ինքեան, թէ որպիսի իցէր այն դիպուած. լուայ զի խորդայր ոք մերձ, և զարմացայ, ասելով ընդ միտս. Ոչ ոք երբէք ննջէր առ իս ի սենեկի. և այս ո՞վ իցէ արդեօք: Մինչ յայսոսիկ վարանէի, սկսաւ աղմկիլ ստամոքսն, և արտածգեաց զոր ունէր յինքեան. ուստի թալկացեալ անկայ. և զկնի փոքու միոյ ուշաբերեալ՝ ծանեայ զտեղին. կոչէի զփոքրաւորս, և ոչ զգայր. զի չունէի զուժ հզօրապէս ձայնելոյ. և ահա լուծումն. ստիպէր, և ոչ կարէի գտանել զգուռն տանն, մինչեւ հազիւ զնընմամբ ձեռաց ընդ որմունս՝ արտելի. և դարձեալ ի ներքս՝ այսր և անդր տաւտանմամբ զիպեցայ տեղոյս, և ննջեցի մինչեւ ցլոյս:

12. (Սեպ.) Յուրրաթով առաւօտուն զգացի դոյն ինչ յիս զօրութիւն և գա.